



ЎзССЖ ИИВ Ҳайъатида

ЎзССЖ ИИВ ҳайъатининг 25 январь кунги бўлиб ўтган мажлисида жумҳурият ички ишлар идоралари ишининг 1990 йил якунлари кўриб чиқилди. Унда оператив ҳолатни яхшилаш борасида сезиларли ижобий ўзгаришлар юз бергани қайд этилди. 1989 йилга нисбатан жиноятчиликнинг ўсиш суръати секинлашди, унинг оғир турлари қисқарди, шахсий мулкни ўғирлаш ва жамоат жойларида ҳуқуқга қарши ҳаракатлар миқдори ўзгармади. 1989 йилга қараганда беш мингдан кўпроқ жиноят қилган шахслар аниқланди, тўрт ярим мингдан зиёд шахс жиноий жавобгарликка тортилди.

Шунга қарамадан оператив вазият анча мураккаб бўлган. Жиноятларнинг ялли сони, муқаддам судланганлар ва балоғатга етмаганларнинг жиноий ҳаракатлари ўсиб. Очилмаган жиноятлар салмоғи ошди.

Вужудга келган вазиятнинг асосий сабаби оператив-қидирув ва ҳуқуқбузарликнинг олдини олишни ташкил этишдаги ечилмаган муаммолар йиғилиб қолганидир.

Жиноятни очиш даражасини кўпинча тергов белгилайди. У ўз ишини бирмунча яхшилаган бўлсада, шу кун талабидан ортда қолмоқда. БХСС фаолиятидаги ютуқлар халқ тарона кўринади. Чунки халқ хўжалигида ғаразли жиноятчилик оммавий тус олди. Аксарият сунъий равишда туғдирилаётган тақчиллик туфайли кенг халқ оmmasининг турмуш даражаси ниҳоятда пасайди. Чайқовчилик, порохўрлик билан кураш самараси паст.

Участка инспекторлари ва пост-патруль хизмати бўлиmlлари сонини кўпайтиришдан кўзда тутилган мақсадга тўла эришиб бўлинмади. Муқаддам судланганлар билан ишлаш даражаси қониқарсиз. Ичкилик бозлик жиноятчиликка салбий таъсир кўрсатаётганига қарамадан унга эътибор сусайган. Дайдилар билан кураш эса ўз ҳолига ташлаб қўйилган. Бу жумҳуриятимиз ҳудудига ҳар хил қаланგი-қасанги унсурлар кириб келишига йўл очмоқда. Йўл ҳаракати хавфсизлиги ва ёнғинден сақлаш борасида ҳам пишиб етилган муаммолар анча.

Тошкент тергов қамоқхонасидаги ҳолат учун тегишли раҳбарларнинг жавоб беришларига тўғри келди. Чунки қисқа вақт ичида бу ерда икки марта фавқулодда ҳодиса юз берди. Аввалига ходимларни гаровга олишга, кейин эса беш нафар хавфли жиноятчини қочириб юборишга йўл қўйилди. Шунинг учун қатор раҳбарларни лавозимидан бўшатилганга қарор қилинди.

Бу йилги вазият ҳам хотиржамликка асос бермайди. Мураккаб шароитда ишлашга тўғри келмоқда. Шунинг учун фаолиятни тўғри ташкил этиш йўллари пухта ишлаб чиқиш даркор.

ИИВ ҳайъати вазиятни соғломлаштириш, жиноятчилик билан курашни кучайтириш ва жумҳуриятда жамоат хавфсизлигини таъминлашга қаратилган амалий ҳамда ташкилий тадбирлар йиғмасини маълумлади.

Тергов қамоқхонасидан қочган беш нафар айбланувчини қидириш борасида ички ишлар идоралари ходимлари томонидан олиб борилаётган машаққатли қидириш ҳақида ёзган эдик. Ҳодиса юз берган куннинг тонготирида қочоқлардан бири 33 ёшли Алижон Миралиев фуқаролар томонидан ушланган эди.

ҚОЧОҚЛАРДАН ИККИНЧИСИ ТУТИЛДИ

Яқинда Янгийўл шаҳрида қочоқлардан иккинчиси — босқинчилик ҳужумида айбланаётган 32 ёшли Петр Прядкин тутилди. Бу ерда ҳам фуқаролар ички ишлар идоралари ходимларига яқиндан ёрдам кўрсатишди.

П. Прядкин қишининг аёзли кунларини ўзича пухта яширинган жойда ўтказиш ҳақидаги режаси пучга чиқганини ушланганида сезди. Энди қочган бешликдан уч нафари — энг оғир жиноят содир этишда айблана-

ётганлар — 27 ёшли Равшан Бўриев, 25 ёшли Асадулло Султонов, 34 ёшли Ҳамидулла Қозоқовлар очикда қолди.

Фуқаролардан яна бир бор улар ҳақида бирор маълумотга эга бўлсалар, «02» рақами орқали энг яқин милиция бўлимларига хабар беришларини сўраймиз.

Ғ. ЖўРАЕВ

ЎЗЛИГИМИЗ ЙЎҚОЛМАСИН

АСРЛАР давомида аждоду авлодларимизнинг қонқонига сингиб кетган тушунча бор. Спиртли ичимликлар истеъмол қилиш ўзбекларда мутлақо кегириб бўлмас гуноҳ ҳисобланади.

Шунинг учунми кўча-кўйларда, бекатларда оний сархушлик кайфини суриб чайқалаётган ёки думалаб ётган кишиларни кўрсам, ачиниш ва ғазабдан ўзимча туюқиб кетаман. Ҳатто бозор иқтисодиёти бўсағасида вужудга келган тақчиллик, қолаверса, пул қадризилашиши ҳам кўпчиликни бу йўлдан қайтаролмаяпти. Алҳазар!

Яқинда Тошкент шаҳри Ленин туманида жойлашган тиббий хушёрхонада бўлдим. Хизматчилар бу ерда «меҳмон» бўлаётганлар қайд этиладиган дафтарни қўлимга тутқазди.

— Булар шу йилнинг 21 январь кунги «меҳмон»ларимиз, — дея изоҳ берди хушёрхона бошлиғи, милиция капитани Фикрет Қосимов.

Ғафуров Латиф — 1967 йилда туғилган, бухоролик, вақтинча ҳеч қаерда ишламайди. Кеч соат 9 ларда шахримизнинг Киров кўчасида ушланган. Яхшигина маст бўлган.

Ғафуров Ҳасан — 1964 йилда туғилган. Қўшини Ленинobod вилоятининг Ғратепи шаҳрида туради, жамоат хўжалиги аъзоси. Бу ҳам кеч соат 9 ларда «Зарафшон» ресторани яқинида ушланган.

Адхамов Ҳамидулла — 1956 йилда туғилган, Чилонзор даҳасида истиқомат қилади. «Курувчи» ширкатда бўёқчи бўлиб ишлайди. У кеч соат 7 да Киров кўчасида хушёрхона хизматчиларига дуч келган.

Нуранов Икром — 1938 йилда тавадлууд топган. Тошкентнинг Октябрь туманида яшайди. «Ўзбекистон ССЖ ва Ўзбекистон Компартияси 50 йиллиги» номли тикувчилик ишлаб чиқариш бирлашмасида юк туширувчи бўлиб ишлайди.

— Январь ойининг ўтган 20 кунда 180 киши маст ҳолда келтирилди. — дейди профилактика кабинети ҳисобчи-котибаси Гулнора Холиқова. — Шуларнинг кўпи ўзбеклар.

Тавба демай илож йўқ. Муқаддас китобларда макруҳ деб таъқиқланган захри қотилга намуноча ружу қўймасак? Нахотки ўз ақл-идрокимиздан кўра шармандаликни афзал билсак? Бизга нима бўлди ўзи?

Сир эмас, бугунги кунда спиртли ичимликлар билан савдо қилувчи дўконларнинг пештахталари бум-бўш.

«Ишбилармон»ларгина бир шишасини кам деганда 15 сўмдан топишяпти. 15 сўм — озгина пул эмас. Шу пулга гўшт олинса, ўртача оиланинг қозони икки кун қайнайди. Нахотки бола-чақалар ризиқини ҳам вақтинчалик кайф-сафога алмаштирувчи гумроҳ бўлиб қолдик?

Аваллари ўзганинг ҳақидан ҳазар қилиш, деган тушунча бўларди. Эндичи? Кўпгина табаррук қадриятларимиз қатори шу нарсани ҳам унутаяпмиз.

— Ўтган 1990 йил давомида йигитларимиз спиртли ичимликлар савдоси бўйича 107 марта рейд ўтказишган, — дея сўзини давом эттирди Гулнора Холиқова. — Ана шу тадбирлар давомида 34 марта савдо қилиш қонунлари бузилгани аниқланган.

Ҳа, бу аниқлангани. Аниқланмаганлари қанчадан-қанча. Агар чуқурроқ мулоҳаза қилиб кўрсангиз, даҳшатга тушасиз. Кимдир кимнидир бор-будини шилиб олиб, эвазига захри қотил тутқазди. У эса топилганига шукур қилиб ичади, дўст-

ёрини, оиласини, ҳатто ўзини унутди. Бу қиёмат-қоийм эмасмикан?

Энди мана бу рақамларга эътибор беринг. 1989 йилда мазкур хушёрхонага 3 минг 510 киши маст ҳолда келтирилган бўлса, 1990 йилда 3 минг 702 киши келтирилди. «Хурмати бекиёс» маконда «меҳмон» бўлган олий ўқув юрти домлалари аввалги йилда 27 киши эди, 1990 йилда эса 39 киши. Юриштиришлари, гап-сўзлари билан ёшларга намуна кўрсатиши, уларни нотўғри йўлдан мумкин қадар қайтариши шарт бўлган нурувийлар ҳам баъзан шармандаликка юз тутмоқдалар. 1990 йилда 104 нафар пенсионерлар табаррук умрларининг бир кунини фарзандлари олдида эмас, хушёрхонада ўтказишган. Бунга нима дейсиз?

Ўтган йил давомида келтирилган мастларга кўрсатилган тиббий хизмат учун киши бошига 15 сўмдан, жами 49 минг 451 сўм ундирилди. Ана шу маблағни кўз олдингизга келтириб кўринг, агар урдасидан чиқолсангиз.



Хўш, араққа муккасидан кетганларга ўзимиз қандай муносабатда бўлаяпмиз? Тўғриси айтганда, ўта-кетган бефарқлик ҳукмрон. Кўча-кўйда юзтубан лойга беланиб ётганини кўрсак, юзимишни тескари бураемиз.

Бу ҳам майли. Айтايлик, энг яқин танишларимиздан бири хушёрхонага тушиб қолди. Уни тезроқ бу ердан чиқариб олишга интиламиз, ўша ердаги хизматчилардан унинг ишхонасига хабар қилмасликларини ўтиниб сўраймиз. «Бечора»ни шармандаликдан асрамоқчи бўламиз. Алҳол, шу ҳатти-ҳаракатимиз билан уни «борса қайтмас» йўлга равона қилаётганимиз ҳаёлимизга ҳам келмайди.

Шаҳримизда саноат корхоналари кўп. Шу боис хушёрхона «меҳмон»ларининг салмоқли қисмини ишчилар ташкил этади. Лекин бу ерда ҳам бир фикр ҳукмрон. Корхона шайнингни ҳимоя қилиш керак. Шу боис кўпгина корхона ва ташкилотлар мутасаддилари хушёрхоналардан келган хабарларни жавобсиз қолдиришмоқда. Ёки бизда ундай одам йўқ, деб жавоб қилмоқдалар. Бу — пешонасига «арақхўр» деб тамга босилган ишчинини мулзам қилиб, тартибга чақириб ўринга уни захри қотил бағрига итариш билан баробар.

Октябрь, Киров, Чилонзор. Собир Раҳимов. Сирғали туманлари озиқ-овқат савдоси идоралари ана шу фикрга ёрқин мисол бўла олади.

Кейинги пайтда шахримизда (шу жумҳуриятимизда) турли-туман ширкатлар ёмғирдан кейинги кўзиқорин мисоли кўпайиб кетди. Ширкат дегани пулли халқ ибораси билан айтганда, «ёғли» жой. Шундай экан, ўша ширкат раҳбарлари хушёрхонага тушибди, деган гапга таажжубланмас бўлади.

— Мантиқсизликни қаранг, — дея Гулнора Холиқова яна суҳбатга қўшилади. — ширкат раиси, айтилик, қўлга тушган бўлса, биз хат жўнатганимиз билан ўзига-ўзи чора кўрмайди-ку? Шу боис ўша ширкат жойлашган туман ижроия кўмитасига хат юборамиз. Ижроқўмдагилар эса... бу ҳақда ширкатларнинг ўзи бош қотирсин, бизни тинч қўйинлар, деган мазмунда жавоб қилишяпти...

...Ана, янги «меҳмон»лар «ташриф» буюрди. Эрталаб чиройли кийинган, ҳатто галстук тақиб кўчага чиқкан одамлар. Энди эса ҳамма ёғи лой, ёқваййон. Улардан келаятган бадбўй ҳидга чидаб бўлмайди.

Уларга қараб яна кўксимни оғриқли савол эзди: ўз-лигимиз қайқанда қолди?

Раҳмонали ҚОСИМОВ

ҚОНУН ҚОҒОЗДА ҚОЛМАСИН

Агар уч-тўрт киши йиғилиб, қаердадир содир этилган бирор жиноятни ўзаро муҳокама этишса борми, тамом деяверинг. Милициянинг шўрига шўрва тўкилади. Ҳатто шу даражага бориб етишадими, милиция ходимларини ўша жиноятчиларнинг ҳамтовоғига ҳам чиқариб қўйишади.

Хайрият, бу борада ижобий ўзгариш юз берди. Жумҳуриятимиз Олий Кенгаши «Милиция ходимларини ижтимоий ва ҳуқуқий жиҳатдан ҳимоя қилишни кучайтириш тўғрисида» иттифоқда биринчи бўлиб қонун чиқарди. Биз бундан жуда мамнунмиз. Чунки бу қонун милиция ходими манфаатини, энг муҳими инсонийлик ғурурини муҳофаза этишда зўр қалқон бўлди. Мана мисоллар.

1960 йилда туғилган Еркин

Атаев Хива туманидаги Огаҳий номли жамоа хўжалигида истиқомат қилади. Касби — ошпазлик. Милиция ходимининг қонуний талабларини бажармаганлиги учун унинг ҳаттиҳаракати ҳужжатлаштирилиб, халқ судига юборилди.

Қонунбузарга Ўзбекистон ССЖ жиноят мажмуасининг 187-моддасига асосан 50 сўм жарима солинди.

1957 йилда туғилган Эгам Раҳимов Хива шаҳрининг С. Лазо кўчасида яшайди. У ҳам милиция ходимининг қонуний талабларини бажармаган ва устига устак унга моддий зарар келтирган. Қолаверса, бу қимса қайнонаси Ша-

рифа Матёқубовага оғир тан жароҳати етказгани ҳам маълум бўлди. Унинг устидан жумҳуриятимиз жиноят мажмуасининг 91-моддаси 2-банди асосида жиноий иш қўзғатилган.

Бу яхши. Чунки халқимизда «Бирни кўриб фикр қил, ўрни кўриб эйр қил» деган нақл бор. Ана шу ҳаракатларнинг қонун доирасида баҳоланиши бошқаларга ҳам сабоқ бўлса ажаб эмас.

Лекин... Қуронбой Хўдойберганов Хива шаҳридаги «Новая» кўчаси 50-уйда туради. Сув хўжалиги тармоғидаги механизациялашган кўча қолоннада ишлайди. У ҳам ми-

лиция ходими талабларини адо этишдан бош тортган. Бу ҳақдаги ҳужжат ўтган йилнинг 4 декабрь куни Хива шаҳар халқ судига юборилган. Иш ҳанузгача кўрилмаётир.

Карим Салаев Хива шаҳрининг Наримонов кўчасидаги 22-уйда яшайди. Шаҳар турар-жойдан фойдаланиш бошқармасида пайвандловчи, Милиционер талабига бўйсунмаган бош тортган. Бу киши ЎзССР жиноят мажмуасининг 187-моддасига асосан айбланиши керак. Тузилган ҳужжатлар ўтган йил 10 декабрь куни халқ судига юборилган. Лекин халқ суди томонидан ҳеч қанақа чора кўрилмаган.

Хива шаҳар халқ судининг қонунга бундай муносабатини қандай изоҳлаш мумкин? Ахир, қонунда: «...187-1, 187-2, 187-3, 187-4 моддаларда назарда тутилган маъмурий ҳуқуқбузарликлар тўғрисидаги ишлар халқ судьяси ёлғиз ўзи, материал тушган кундан бошлаб уч кун давомида кўриб чиқиши белгилаб қўйилсин», — дейилган-ку.

Қонун муҳофазасида туриши лозим бўлган Хива шаҳар халқ судининг фаолиятини баҳолашга тил ожиз.

К. ХУДОЙБЕРГАНОВ,
Хива тумани ички ишлар бўлими бошлигининг ўринбосари, милиция капитани.

МУҲАРРИРИЯТДАН: Балким живалик қозилар фаолиятига жумҳурият Олий суди раҳбарлари баҳо беришар!

ҚИЛМИШ-ҚИДИРМИШ

Андижон шаҳридаги ил-газлама ишлаб чиқариш бирлашмаси жумҳурият энгил саноат вазирлиги тармоғидаги энг йирик корхоналардан бири. У қарийб 82 гектар майдонни эгаллаган.

Корхонанинг ип йиғириш мато тўқиш, оҳорлаш, пардозлаш, гул босиш ва бошқа жараёнларга ихтисослашган фабрикалари чет эллардан келтирилган замонавий асбоб-ускуналар билан жиҳозланган. Бундай қараганда унумли меҳнат қилиш учун барча шарт-шароитлар муҳайё, белгиланган режалар ҳатто ортиги билан адо этилаётти.

Лекин ҳайрон қоладиган томони шундаки, бирлашма ўз ҳаражатларини маълум бир пайт моддий жиҳатдан қопломай қолди.

Бу ҳол бора-бора ҳатто тармоқ раҳбарларини ҳам сергактанриб қўйди. Мавжуд аҳвол ҳар томонлама чуқур ўрганилгач, сир аён бўлди. Ташмачилик чидаб бўлмас даражада авжга минган экан.

Шу боис бирлашма маъмурияти ёрдам сўраб, ИИБга мурожаат қилди. Бу мурожаат инobatга олиниб, корхонани текникўрлар чангалидан муҳофаза этиш Андижон вилояти ички ишлар бошқармаси қошидаги соқчилик бўлимига юклатилди. Шундай қилиб, соқчилик бўлими милиционерлари 1990 йил бошидан ишга киришдилар.

Халқимизда ўрганган кўнгил ўртанса қўямас, деган нақл бор. 2-оҳорлаш-бўяш фабрикаси цех устаси хумор дардига чидалмади. Ўтган йилнинг 13 декабрь куни ярим тунда шу цех машинисти билан тил бириктирди. Е, омад, деб деворни тешиб, 6 минг 580 сўмлик ёки 5 минг 819 метр газла-

мани олиб чиқиб кетишга тайёр қилиб қўйишди. Минг афсуски, оғиздаги луқмани ютиб юбориш бу сафар уларга насиб этмади. Соқчилик бўлими ходимларининг ҳушёрлиги ишнинг белига телди.

Бўри бўридан қолса қулорини кесади, деганларидек яна шу фабриканинг уч нафар ишчиси 2 минг 677 метр сурпни орқалашди. Лекин улар ўмарилган нарсаларини белгиланган манзилгача олиб боришолмади.

Буни қарангки, мазкур фабрикада милиция «қопқо-

метр газламани қўлтиқлаб олди, холос. Аммо нима учундир қоровуллар уни йўлакдан ўтказмадилар.

Ю. деган шахс, афтидан сенлар қилолмаган ишни мен уддалайман, деб чиранган кўринади. Узининг И 17-08 АН рақамли энгил автомашинасига 1 минг 301 метр матони қўрқмасдан жойлади. Доно халқ бундайларга ҳам мос тушадиган мақолни тўқиб қўйган. Бузоқнинг югургани сомонхонагача. Ю.нинг чираниши дарвозагача етди, холос.

диса ётоқхона фаолиятини тафтиш қилишга асос бўлди ва натижада 32 минг 879 сўмлик камомад аниқланди.

Мен бу мисолларни эринмай келтиришимдан мақсад Андижон ил-газлама ишлаб чиқариш бирлашмасининг кўпсонли ишчи-хизматчиларни хушёрликка чақирмоқчиман.

Юқоридаги 226 киши халқ мулкига кўз олайтиргани учун, албатта, лойиқ жазо оладилар. Лекин халқ ким? Сиз ва биз.

Шундай экан, ўз мудки-мизни ёмон кўзлардан асрайлик.

Революция ҲАСАНОВА,
милиция капитани.

МУҲАРРИРИЯТДАН: юқоридаги танқидий хабаримизни ўқиб, эътироз билдиришингиз мумкин. Ошқоралик бўлгандан кейин, чинакам ошқоралик бўлсинда. Андижонда шунча ташмачи бор экан, нега уларнинг исми аниқ ёзилмайди, дейишингиз мумкин.

Марҳамат, биз сизларни қуйидаги фотосуратлар орқали ил-газлама комбинатининг янги ташмачилари билан таништирмақчимиз.

1. 1963 йилда туғилган чилангар Довудбек Рўзиёв шу йил 13 январь куни 10 метр газламани ўмармоқчи бўлганида ушланди. Кейин қилмиши эвазига 100 сўм жарима тўлади.

2. Электрик Ақром Нишоннов эса 1968 йилда туғилган. У ҳам 13 январь куни 4 метр газламани ўғирламоқчи бўлди. Бу не кўргилики, шу матони 100 сўм жарима билан қўшиб қайтаришга мажбур бўлди.

3. Гул босиш цехи ишчиси Эсонбой Урнибоев ҳам 13 январь куни эгри қўллик учун мулзам бўлди.

ЁКИ АНДИЖОНЛИК ТАШМАЧИЛАР ҲАҚИДА

Ф о ш э т а м и з !

Агар омади юришганда А.нинг уддабуронлиги ташмачилар тилида дoston бўларди. У осилсанг, баланд дорга осил, деган гапга амал қилди. Майдалашиб ўтирмади. Ўзи яхши билган 8 кишини кўндирди, уларнинг ёрдами билан бир йўла 7 минг 941 метр сурпни олиб кетишга қарор қилди. Лекин... омад деганлари анқонинг уруги бўлиб қолганда.

Шундай бўлишига қарамай ташмачилар ўз омадларини қайта-қайта синаб кўришдан қайтмаяптилар, соқчилик бўлими ходимлари эса уларни тутишдан чарчашмаяпти. Ана шундай ҳангома-лар натижасида йил давомида 226 киши тузоққа тушди. Улардан тортиб олинган матолар қийматини ҳисобчилар аниқ айтиб беришди. 142 минг 510 сўм.

Бирлашма ётоқхонасида ишлайдиган бир аёл талон-тарожчиларга қараганда бошқачароқ йўл тутди. Айбини яшириш мақсадида атайлаб энгин чиқариб, 210 сўм зарар етказди. Бу ҳо-

ни»ни писанд қилмайдиган «ботирлар» кўп экан. Яна тўрт нафар ходим 3 минг 192 метр читни девордан оширмақчи бўлганда...

Булар 2-оҳорлаш-бўяш фабрикасида юз берган кўнгилсизликлар. Бу кўнгилсизликлар, надоматлар бўлсинки, 1-оҳорлаш-бўяш фабрикасидаги олғирларга сабоқ бўлмади. Қайтанга уларни янги қинғирликлар қилишга «илҳомлантирдиди». М. исмли ишчи ҳаммага нисбатан «шер-юрак» чиқди. Ўз ҳамтовоқлари ҳамкорлигида «ГАЗ-51» машинасига 8 минг 445 метр читни ортди. Машина юра бошлаганда, елкасидан тоғ ағдарилгандек «уф» тортиди. Лекин милиция уларни «очик юз билан қарши олди».

Шу фабриканинг А. деган ходими бошқаларга нисбатан «инсофли» экан. Атиги 431



ҲАЕТДА шундай инсонлар бўладими, узоқ яшайдими-йўқми, ундан қатъий назар ўзларидан яхши ном қолдиришади. Бошқача айтганда, умр деб аталмиш ички эшик орасидаги йилларни сермазмун ўтказишади.

Сиз ва биз бундай кишилар билан бир неча йиллаб бирга ишлаймиз, хизмат жойида ҳар куни ёнма-ён ўтираемиз. Назаримизда абадул-абад бирга бўладигандек. Лекин...

Мен бу сатрларни битаётиб, умрининг 15 йилини сермашаққат, беҳаловат касбга бахшида этган марҳум дўстимиз Гафур Нишоннов назарда тутаялман.

ХОТИРА

ЎТГАНЛАРНИ УНУТМАЙМИЗ

Бир гапириб, ўн куладиган хушчақчақ ўртоғимиздан жудо бўлишдек машғум кулфатни бошдан кечирганмиз. Лекин ҳали-ҳануз тақдирнинг аччиқ зарбасига «шонолмаймиз, тўғрироғи «шонолини хоҳламаймиз. Қачон бўлмасин, унинг нузли чеҳраси, тиришқоқлиги кўз ўнгимиздан кетмайди.

Жумҳуриятимиз ИИБ «Посда» рўзномаси қайта тикланганлиги муносабати билан ҳаётининг сўнгги дақиқаларигача қасамёдида содиқ қолган ҳамкасбимиз ҳақида ўқувчиларга ҳикоя қилишни лозим топдим. Зеро бу ҳаммамиз учун сабоқ бўлса ажаб эмас.

Гафуржоннинг қандай меҳрибон, ҳақиқатгўй, тўғри-сўзлигини, мардлик-ю оқиллигини, эл-юрт хотир-жамлиги йўлида тиниб-тинчимаслигини туманимиз ИИБдаги ходимлардан сўранг, у участка вакили бўлиб ишлаган ҳудуддаги кишилардан сўранг. Гафуржон ўзининг одамоҳунлиги билан уларнинг ҳар бири қалбидан жой олган, десам муболаға бўлмас.

У юқорида айтгандек, милиция участка вакили эди. Айни пайтда ҳуқуқ-тартиботнинг бошқа соҳаларини ҳам мукамал ўзлаштириб олганди. Моҳир икзувар сифатида содир этилган кўплаб жиноятларни иссиғида фoш этишга хиссасини қўшган. Дўстимизнинг хотирасини абадийлаштириш — биз учун шу кундаги энг муҳим масала. Яқинда туман к-сомол кўмитасига Алишер Навоий, Усмон Юсуфов ва Абдулла Қаҳҳор номли мактаблардаги пионер отрядларидан бирига марҳум сафдошимиз номини бериш таклифини билдирдик. Шунингдек, туманимиздаги ёшлар ва ўсмирлар спорт мактаби билан ҳар йили моҳир спортчи Гафур Нишоннов соврини учун кураш мусобақаларини ўтказишга келишилди. **Ф. МАЛИКОВ,** Илчи тумани ИИБ бошлиғи ўрнибосари, милиция капитани.

«МИЛИЦИЯ ҚАЁҚҚА ҚАРАЯПТИ?»

«— Тунго кунги фалон бетда тургандим. Шу пайт денг, пўримгина кийинган бир ўспирин шундоққина ёнимда турган бир аёлнинг бошидаги қалпоғини олиб қочса бўладими. Бечора аёл ҳай-ҳайлаганича қолаверди.»

— Э, нимасини айтасиз, кечагина автобусда бир кишининг чўнтагини кесиб кетишди. Бу мелиса деганлари қарққа қараяпти ўзи!...

Агар кўчада йўловчилар суҳбатига қулоқ тутсангиз, кўпчилиكنинг оғзида ана шундай миш-мишлар.

Аслида бу миш-мишларда жон бор. Негаки, ҳаво совуқ, йўллар яхлаган. Бу меҳнат қилишга бўйни ёр бермайдиган, ишлагандан тишлашга одатланганларга кўл келаяпти. Чунки совуқдан дийдираб турган кишини тунаш жўнроқ, қолаверса қочиб қолиш ҳам осон.

Иккинчи томондан, ўғрилларга милиция эйтибор қилмаяпти, деган фикрга қўшилиб бўлмайди. Тошкент шаҳар ички ишлар бошқармаси томонидан йўловчи транспорти бекатларига, одамлар гажум жойларга оператив гуруҳлар бириктириб қўйилганлиги бунга мисол бўла олади. Бундан ташқари жамоатчилик фаолла-

ри иштирокида рейдлар ўтказиш ҳам тошкентликлар хотиржамлигини таъминлаш борасида ижобий самара бермоқда.

Яқинда қизиқ воқеа содир бўлди. Трамвай ҳайдовчиси Р. Жуматов йўловчиларни «Самарқанд» автобекатигача олиб бориб, кўпчилиكنинг ҳолатини чиқарди. Кейин эса салонда одам камайгач, 1966 йилда туғилган А. Чикнеевнинг қўлидаги соатини ва 21 сўм пулини тортиб олмоқчи бўлди. Жабрланувчи милиция ходимлари ёрдамида зўравон ҳайдовчи чангалдан ҳалос бўлди.

Мана бу воқеа ҳам милиция ходимларининг эл-юрт осойишталиги йўлида тиним билмаётганларига бир мисол бўлса керак. Тунги соат бирларда «3199» рақамли троллейбус саломида номмаълум маст-аластлар 1975 йилда туғилган А. исмли қизининг номусига тажовуз қилишди. Табиийки, бу маҳалда кўчада одам сийрак бўлади, курганлар эса оч қорним, тинч қулоғим, деганларидек ўзларини кўрмаганга олишади. Бахтни қарангки, бедор милиция ходимларига бечора қизни кутурган мастлардан сақлаб қилишди.

Кундуз соат 12 ларда манзил томон олиб бораётган 91-автобус саломида қий-чув кўтарилди. 1961 йилда туғилган, ҳеч қаерда ишламайдиган Д. тумонат одам ичида йўловчи Абдувалиевнинг паспорти ва 53 сўм пулини ўғирлашга журъат этди. Одатдаги ҳол: бир автобус одам биттагина ўғрига миқ этолмади. Уғри тумшугидан илингандан кейингина ўзаро шивир-шивир бошланди:

— Яхшиям мелиса бор экан. Йўқса бир бечора пешона тери эвазига толган ақчаси-ю паспортини олдириб қолаверарди...

Хуллас, бундай мисолларни кўплаб келтириш мумкин. Ўтказилган тадбир чоғида 35 нафар чўнтаккесар, 11 нафар талончи, уч нафар зўравон кўлга олинди. 21 нафар транспорт ойналарига тош отиб сириштирилган ўспиринларга чора кўрилди.

Айтмоқчиманки, ҳурматли ҳамшаҳарларимиз «милиция қаёққа қараяпти?» деб тинчлик лосбонларини камситиш ўрнига уларга амалий ёрдам берсалар, нур устига аъло нур бўларди.

Икром РАҲИМОВ,
милиция майори.

ТЎРГА ЎЗЛАРИ ИЛИНИШДИ

9 январь кунги саҳарда Киров тумани ИИБ 1-милиция бўлини масиға ранги-рўйи бир ҳолатдаги киши кириб келди. Ўзини хиёл тунг олгач, у такси ҳайдовчиси эканлигини айтди ва бир неча соат илгарн бошидан кечган ҳодиса қақида сўз очди.

— Тунги соат иккиларда Ленин туманидаги бозор яқинида машинага қорейс миллатига мансуб беш нота ниш йигит ўтириб, Юнусобод даҳасига олиб бориб қўйишни сўрашди. Айтган жойларига етиб келганимда, тўсатдан пичоқ ўқталиб, 310 сўм пул, қўл соат ва ҳайдовчилик гувоҳномами тортнб олишди. Ҳеч бўлмаса гувоҳномами ташлаб кетинглар, деб худонинг зорини қилдим.

— Нима дейишди?— сўради унинг кўргазмаларини қоғозга диққат билан тушираётган милиция ходими.

— Э, эртага Қўйликқа келсанг, ўзимиздан сотиб оласан деб, вақтни айтиб кетишди.

Босқинчилар ташлаган тўрга ўзларини илтириш имконияти туғилгани учун Киров тумани ИИБ ходимлари режани пухта ишлаб чиқишди. Йиллар давомида орттирилган катта тажриба ва ўқув туфайли 1-милиция бўлини маси бошлиғи милиция капитани Равил Ҳамзин, жиноят қидирув катта оператив вакили милиция катта лейтенанти Радик Ҳайдаров, катта оператив вакил Фарҳод Азизов, оператив вакил Баҳром Низомов, участка инспектори милиция майори Абдумажид Қудайбергеновлар келишилган пулни олиш пайтида уларни талофатсиз ушладилар.

Қўлга олинган беш нафар йигитнинг уч нафари талончилик қатнашчилари бўлиб, икки нафари эса бутуниттифоқ қидирувида бўлган жиноятчилар экан.

Такси ҳайдовчисини талашда иштирок этганлардан яна икки кишининг шахсини аниқлаиб, уларни қўлга тушириш чоралари кўрилмақда.

Муҳаббат ИБРОҲИМОВА,
«Постда» мухбири.



ЭР КИШИНING ҲУНАРИ

Дунёда йигит кишига қўл келадиган касб-ҳунарнинг сон-саногн йўқ. Ахир, йигит кишига қирқ ҳунар оз деб бежиз айтмайдилар. Мана шу сон-саногн касблар қаторида фуқаролар осойишталигининг посбони бўлмиш милиционерлик том маънода эр кишилариға уддалайдиган вазифа, бурч. Ҳар бир касб ёки ҳунарнинг танланиши, унга меҳр қўйилиши эса бесабаб юз бермайди. Олма олмадан йироқ тушмаганидек, кулол фарзанди кулол, деҳқон боласи эса деҳқон бўлиб етишиши табиий. Аммо бизнинг касбда-чи? Хусусан, сизга таништироқчи бўлганимиз милиция капитани Саъдулла Холиқназаровга ушбу сермашаққат касбни танлашда нималар туртки бўлдикин? Балки бунинг боисини унинг оиласидан излаш керакдир?

— Йўқ, — дейди Саъдулла бунга жавобан, — сулола-мизда милиция сафида хизмат қилганлар бўлмаган. Бироқ, болалигимдан бу касбга қизиқиб қолганман. Ахир,

болаларнинг деярли ҳар икитасидан бири болалигида милиционер амакиларга катта ҳурмат ва ҳавас билан қараши сир эмас-ку. Бироқ йиллар ўтиб, улардан жуда кам қисмигина бу касб этгини тутиб кетишади. Мен эса келгусида албатта ушбу касб эгаси бўлишни дилимга қаттиқ тутиб олгандим. Шу сабабли ҳам ўзим яшайдиган Пушкин номидаги шўро ҳўжалиги марказидаги таянч пунктга дарсдан бўш пайтларим бориб турадиган бўлдим.

Саъдулла ўрта мактабни тамомлаб, Совет Армияси сафида хизмат қилиб юрган кезларида унинг муддаоси янада қатъийлашди. Хизмат сафидан она-қизлогига қайтгач, тўғри ҳеч иккиланмай ноҳия ички ишлар бўлимига келиб, ўз муддаосини айтди. Турли-туман керакли ҳўжатлар, суҳбатлар ва синовлар сўнггида уни ноҳия ички ишлар бўлимига ишга қабул қилишди.

Кичик сержант унвони билан милиция сафига қабул

Борис ВАСИЛЬЕВ

Ўғрдошнинг қайтарилиши



(Давоми. Боши аввалги сонларда)

Қарияни яна қўрқув заботига олди. Бу сафар аризани шунчаки ташлаб кетолмайсан, бурчингни тўла адо этдим, деб ўзингни ишонтиролмайсан ҳам. Гаплашишга тўғри келди, демак кимдир қўйингга қўл солади, бегона кўзлардан авайлаб асралган ҳаётингга аралашади. Лекин у эски айбини салпал бўлсада ювиш учун бундай имконият бошқа туғилмаслиги мумкинлигини тушунарди.

— Сизга нима кёрақ, отахон, — деди уни пайқаган калта сочли эғнида янги кителъ ва бошида худди шундай янги, қизил ҳошияли фуражка кийган старшина. Қарияга унга тегишли ҳамма нарса, кийимининг ипидан тортиб, саволининг оҳангигача, совуқ расмийлик ва устунлик кўринишидай туюлди.

Энди жавоб беришга чоғланганди, кираверишдаги эшик тарақлаб ёпилди. Чўчиб тушган Ревзин ўғирлиб кирган киши унга қиё ҳам боқмасдан посбонга гувоҳномасини кўрсатиб, иккинчи қаватга олиб чиқадиган пиллапоя бўйлаб илдам кўтарилди.

— Маъзур тутасиз, — қа-

(ҚИССА)

рия старшинага юзланди. Мен бошлиқлардан бирортаси билан гаплашмоқчи эдим.

— Агар аризангиз бўлса, яхшиси қабулхонага топширинг. Анови ердан ўннга қайрилмасиз ёки менга ташлаб кетинг. Фамилиям Ключев.

Ревзин ишонсизлик билан старшинага, кейин ёпиқ эшикка қарадида, боғина қўлида гижимлаб турган кўримсиз шапкасини бошига кийа бошлади.

— Қабулхонада кўп бўлганман. Ҳаммаси бефойда.

— Бекорга хафа бўлмасиз. отахон. Тартиб шунақа. Нима хабар қилмоқчи эдингиз? — сўради посбон.

Қария иккилашиб қолди, кейин яна шапкасини ечди, чап қўлида пальтосини ушлаб, ўнг қўлини унинг ички чуқур чўнтағига солди. Старшинага хомуш тикилиб, текис қоғозни суғурди.

— Марҳамат, ўтиринг, — таклиф қилди старшина ёзувга кўз югуртираркан. — Фуқаро Ревзин, айтингчи, бу ҳақда бирор кимсага оғиз очгансизми?

Девор бўйлаб чўзилиб кетган стуллардан бирида букчайиб ўтирган қария бошини чайқади.

— Йўқ. Ҳозиргача ўзимни қўйгани жой тополмаяман.

— Ҳозир кутиб туринг. Мен бошлиқларни хабардор қилай.

Қария старшинага қараб истеҳзоли кулиб қўйди. Унинг кўзлари: «Кўрдингми, мен ҳақ бўлиб чиқдим. Мушдай бошинг бунинг мағзини чақолмайди. Кўриниб турибди, ҳали пати чиқмаган жўжаҳўрозсан-ку» деб масҳаралаётгандай эди.

Қария остонадан ҳатлаб ўтмасдан Смолянинов уни таниди. Петропавловский тор кўчасида аъзойи бадини қалт-қалт титраётган кучукчаси билан сайрга чиққан қарияни у ишга келаётиб бот-бот учратарди.

(давоми бор)

Ўт ўчирувчилик касби азалдан эъзозда. Шунинг учун ҳам бугун ССЖИ ИИБга қарашли Тошкент ўрта махсус ёнгиндан сақлаш-техника билим юртида таҳсил олишга келаётган ёшларнинг охири кўринмайди. Икки йил мобайнида бўлажак ўт ўчирувчилар касбларига онд барча сир-асрорларни қўнт билан ўрганишади.

СУРАТДА: машқ пайти.

Александр КОШКИН суратга олган.


ги кунда ўз тажрибасини ёшларга қўнт билан ўргатиб келмоқда, уларни сергаликка даъват этмоқда. Катта сержантлар Абдусалом Гафуров ва Набижон Назаров унинг шоғирдлари. Саъдулла Абдусаломни, Набижонни участка инспекторининг кундалик юмушлари билан бирма-бир таништирди, керакли ҳўжатларни расмийлаштириш йўл-ўйриқларини ўргатди. Айни пайтда устозни изидан борган А. Гафуров ва Н. Назаровлар участка инспектори вазифасида ишламоқдалар.

Ҳа, Саъдулла — доворак, эпчил, матонатли милиция ходими.


Ишда доимо сергак бўлиш, жиноятчиликка қарши курашда ҳўшёрликка риюя қилиш унинг асосий шiori. Унинг бу ҳислатлари, айниқса, бугунги кунда ошқоралик ва демократия ниқоби остиде қонуналарни ҳурмат қилмаслик ва жиноятчилик кўплайиб бораётган бир шароитда қўл келмоқда.

А. ИБРОҲИМОВ.

Боевўт тумани ички ишлар бўлими бошлиғининг ўри: бое ри, милиция капитани.



Шанба учрашувлари



ИЖОДКОР ҲАМКАСБ ҲАҚИДА СЎЗ

Уйлар юрагимни ўйиб оладир,
Кўксимни тўлдирар жўшқин садолар.
Кўзларим олтидан ўтар бирма-бир,
Инсонлар... Имконлар...
Бахтлар... Хатолар...



Бу мисралар Зикрилла Нейматовнинг «Бедорлик» шеърининг олинган.

Халқ осойишталиги йўлида хизмат қилиб келаётган Зикриллани бу дунё дардлари чуқур ўйга толдиради. Бухоро вилояти ички ишлар бошқармасида ишлаш билан бир қаторда бадиий ижод билан ҳам шуғулланишга вақт топа олаётган Зикрилла Нейматов ўзинга хос услуб эгасидир.

У шеърларида ёр васфи, соғинч туйғусини куйлаш билан

риб юборилган бахтлар, иродасизлик туфайли йўл қўйилган хатолар ҳақида ҳам мушоҳада юритади. Бу дунёнинг дардларига бефарқ қараб туролмайди. Узгалар ғамини ўз ғамидек қабул қилади.

1988 йили Тошкентда ўтказилган жумҳурият ёш ижодкорларининг V семинар-кенгашида Зикрилла Нейматовнинг «Иккимизнинг ёниқ ишқимиз» деб номланган шеърини тўплами яхши баҳолаиб, жамоа тўпламлар қаторида чоп этишга тавсия этилди. Унинг «Соғинч» деб номланган шеъри Ортиқ Отажонов томонидан куйланиб келиши ҳам халқ орасида шoir бўлиб танилишига замин яратди.

Ҳаёлимда яшарсан эркам,
Баҳор бўлиб, нозли ёр бўлиб,

Билсанг мен ҳам яшарман ҳар дам,
Бедор бўлиб, сенга зор бўлиб.

Зикрилланинг ички ишлар ходимлари орасида ҳам адабиёт ва санъатга ихлосманд ёшларни излаш йўлидаги ҳаракатлари таҳсинга сазовордир. Келгусида у бошқармада «Ёш ижодкорлар» гуруҳини ташкил этиш ниятида.

Қалби жўшқин садоларга тўла бу изланувчан йигитга биз халқ осойишталигини сақлаш йўлида юксак муваффақиятлар, ижоднинг сермашаққат пиллапояларини босиб ўтишда сабр-тоқат ва омад тилаб қоламиз.

Асқар АЛИЕВ,
Бухоро вилоят ИИБнинг бўлим бошлиғи ўринбосари,
милиция подполковниги.

Эттиқат пардасин заминга ёйиб,
Табиад ўз ҳуснин ифшо айлади.

Ложувард самодан инжулар ёғиб,
Она юрт жамолин зебо айлади.

Севги айвонида висол хироми!

Беғубор юраклар севинчга тўлди,
Мунаввар фалакнинг оппоқ инъоми,

Муҳаббат пойига поёндоз бўлди.

Маъсума нигорлар кафтидаги қор,

Фаррух йигитларнинг кўксини кўзлар.

Ҳақиқдай лабларда йўқдир ихтиёр,

Ширин энтиқиш-ла олланар юзлар.

Бу оқлик ичида тонгдек оқариб,

«Кўкалдош» бағрида руҳлар ухлайди.

Боболар уйида сукунат қариб,

Хотирот ўтмишдан сўзлай бошлайди.

...Зулмат чокин йиртиб саҳар кўринди,

Дардли кўнгилларга кирди яхшилик.


Қор эмас, самодан имон тўкилди,

Демакки, юртимда ҳоким эзгулик.

Эркин САТТОРОВ



КУМУШ ҚИШ ТАРОВАТИ



ҚАТРА

ТОШДА ҚОЛГАН ГУЛ

Бу йўлдан ҳар куни юзлаб, минглаб кишилар у ёқдан бу ёққа ўтишади. Ҳар куни юзлаб, минглаб бахтиёр-бахтсиз, шодон-маъсум кишиларнинг оёқ излари қолади бу йўлда. Ўтаверишади, ўтаверишади, ўтаверишади...

Бу тонг ҳам йўловчилар қаёққадир шошилади. Бири уйига, бири ишига, бири яна аллақаёққа.

Ана, бугун ҳам кўрмоқчи бўлганим — нуруний чеҳрасига йиллар армони ажин бўлиб тушган аёл бир-бир босиб келмоқда. Шошилаётган одамларга туртиниб кетмаслик учунми, йўлак четига чиқиб олган, оҳиста қадам ташлайди. Унинг мунгайган гавдасидан кўз узмай ўзимча фикр қиламан. Бир оз букилган қомати, хира торган тимқора нигоҳлар, истарали юзларидаги сўлгинлик — булар тақдир зарбаси эмасмикин? Ярим очиқ сочлари қор қўнган, озгин қўлларида бир жуфт қизил гул. У ана шу гулларни ба-

рига авайлаб босганича битта-битта қадам ташлайди.

Ҳар тонг уни учратганимда бошқа томонга юрмоқчи бўламан-у, лекин... оёқларим ўзимга бўйсунмайди. Қандайдир ғайриоддий куч йўлимни тўсади. Ана шу куч таъсиридан қутулолмай унга қараб юраман. Аёл қайсидир жиҳатлари билан онамни эслатарди менга. Уни кўрдим дегунча ҳар тонг менга оқ йўл тилаган кўйи юзларига фотиҳа тортиб останада қолган, то қайтиб келгунимча йўлларимга нигорон оназоримнинг нури чеҳраси кўз олдимда намоён бўлади. Айниқса, сўнги пайтларда бутун борлиғи-ла менга суяниб қолган мунис волидамни эслатарди бу аёл.

Бугун ҳам шундай бўлди. Ўзим сезиб-сезмаган ҳолда қип-қизил гулларни оҳиста тутамлаган аёл рўпарасига ўтдим. У атрофга деярли қарамас, гўёки тўртбурчак гиштларни санаб келаётган-дек. Уни бир фурсат тўхтатгим, нимадир демоқчи, агар

ўзимга қўйиб берса, муштипар сочларини силагим келади...


Йўқ, журъат этолмадим.

Ниҳоят унинг қадам ташлаши секинлашди. Шундоққина кўча ёқасидаги улугвор ёдгорлик қаршисида тўхтади. Назаримда эгилган гавдаси яна бироз эгилгандай туюлди, титроқ бармоқлари билан мрамартошга ўйиб битилган ёзувларни силади. Лаблари алланарсалар деб пичирлади, қўлидаги гулларни ёдгорлик пойига қўйди. Кейин қақдини ростлади. Шунда киприкларига илиниб турган томчи ёшни кўрдим...

Бу мунгли аёл ким? Кимни хотирлапти? Менга қоронғи. Совуқ мрамартош қўёшининг илиқ нурида жилва-ланиб товланади. Оҳиста ортига бурилган аёл яна бир-бир босиб узоқлашиб борар, тонг шабадаси эса у қолдирган гулни тортиқлар, анвойи ҳидларни атрофга таратарди...

Сиддиқ СУЛАЙМОНОВ.

БОШҚОТИРМА



ХУРМАТЛИ муҳарририят! «Постда» рўзномасининг иккинчи сонда берилган пенсия ҳақидаги мақолани кечаси ўқиб чиқдим. Нега десангиз, биз томонларда тонгги рўзномаларни кечқурун, оқшомда чиқадиганларини эса бир ҳафтадан кейин келтиришади, азаматлар.

Хуллас, ўша мақолани ўқиб чиқиб, гоят севиндим. Вақтнинг ўтишини қаранг, тўрт йил милицияда хизмат қилиб қўйибман. Яна хизмат қилишим керак бўлган

йилларни ёзиб, ҳар бир сон атрофига гул солдим. Қизиқишда. Жуда чиройли чиқди. Энига, бўйига, диагона-лига санасангиз ҳам менинг пенсия ёшим — 50 рақамга тенг бўлди.

Ўша кечаси маза қилиб ухладим. Туш кўрдим, ҳаттоки. Мени генерал лавозинида пенсияга кузатишайтганмиш.

Эрталаб уйғондим, кайфиятим бузилди. Чунки кечаси ўйлаб топган сонлар тартибини эслолмадим. Илтимос, менга ёрдам берсангиз...

Хизмат жойим ва унвонимни атайлаб ёзмадим.

Камоли эҳтиром ила
Р. ЭЛШОДОВ

12 январь сонда чиққан бошқотирманинг жавоблари билан танишинг: 1) инспектор. 2) рапорт. 3) терговчи. 4) истеъфо. 5) обуна. 6) ажрим. 7) мансаб. 8) бошқарма. 9) адвокат. 10) тингловчи. 11) инкор. 12) ревизия. 13) Яшн.

Ушбу бошқотирмага Фаргона шаҳар Конституция кучаси, 39-уй 41-хонадонда яшовчи Эркинжон Эгамов тўғри жавоб берган.

Муҳаррир
З. ОТАЕВ

«ПОСТДА» — («НА ПОСТУ») Орган коллегии МВД УзССР

Индекс: 64615

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Компартияси Марказий Қўмитаси нашрийтининг Меҳнат Қизил Байроқ орденли босмаҳонаси. 700083, Тошкент, Ленинград кўчаси, 32.

Рўзнома офсет усулида, А-3 қолипда босилган.

Телефонлар: Муҳаррир — 32-38-86, муҳаррир ўринбосарлари — 39-77-23, маълумотлар учун — 39-70-40.

Зак. 4748.

1 2 3 4 5 6 7 8 9 10 11 12.